



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ioannis Ioviani Pontani. De Aspiratione Libri duo. Charon  
Dialogus. Antonivs Dialogus. Activs Dialogus. Aegidivs  
Dialogus. Asinvs Dialogus. De Sermone Libri Sex. Belli,  
Qvod Ferdinandvs Senior ...**

**Pontano, Giovanni Giovano**

**Venetiis, 1519**

De Hypocritis.

**urn:nbn:de:hbz:466:1-12960**

Quibus quidem omnibus Christiani Græcos secuti scriptores, fecere nomen Hypocritis. Eorum autem omnium idem est propositum, ut quod ipsi minime sint, id habeantur, atq; appareant. E quibus alij in id intendunt, ut lucrentur, uictumq; inde sibi uberio rem parent, maioremq; reuerentiam, utq; habeantur in honore, uendicentq; sibi apud populū sanctitatis opinionem, existimenturq; deorum frui colloquijs, ac presentia. De quibus tamen parcus loquar, ne dum uitiū, ac simulationem insector, uelle uidear religioni detrudere. Ita q; huic parti finem facio, si rem tamen maxime ridiculam prius retulero. Adolescentibus nobis puer haud male indolis a patre missus est literariū in ludum. Is quo patri appareret literis deditior, sensimq; patrem diuertet ab incepto, dum ueretur, ne uehementiorem ob operam in ægritudinem filius ipse inderet, è fabæ polline tenuissimum in modum contritæ, coepit mane sibi uultum afflatum inspergere, magna arte adhibita. Quod dū aliquot a filio cōtinuatur diebus animaduertit pater, os eius sublauescere, atq; illi metuens, an bene se, an satis ualide haberet sciscitatur. respondet ille & bene & ualide, ac tum uehementius multo quàm ante literis incumbit. multum noctu uigilat. matutinus è lecto surgit, totumq; se se ad libros conuertit, ac nihilominus singulis diebus plusculum è polline in faciem insufflat, atq; nō ita multo post, languere se simulat. Quo cognito pater uetuit illum ex eo ad Grammaticam proficisci, malle enim filium sibi illiteratum uiuere, quàm ob causam literarum in tenera eū ætate amittere. Quod puer igitur simulando effecit, an non efficiet & religiosus, & senex, præsertim sub speciem bonitatis, ac sanctimonie? Videas quosdam cū nulla nō parte corporis contaminati sint præ se ferre summā continentiam, alios qui cum sint langori, ac desidiæ dediti, fortitudinem & quandam quasi uiuendi rusticitatem simulent, hos mirificam integritatem, cum sint corruptissimi, illos eximium in deum cultum, cum ab omni clām abhorreant pietate, nonnullos lacrimari, cum in miserabilem aliquem inciderint, ac miserari eum, hacq; arte oculere animi seuitiam, nefariasq; cogitationes, haud paucos, quorum auaritiā, atq; occultas foenerationes abscondat simulata liberalitas, erogatq; inter medicantes, atq; in triujs stipes. Plurimorū peruersa consilia, artiq; dolosissimas obuelat templorū quotidiana frequentatio, aut obtegit nequissimas insurrectiones, uiuendi humilitas quædā, aut multū in circulis silētium, aut corām ficta quæda de singulis benedictia.



DE SERMONE

Itaq; rarissimi illi quidem sunt, ad quos non penetret simulatio, Quodq; flagitiosissimū est, ad permulta uerisimilius simulanda nūc religionis adhibent uincula, nunc affinitatis, amicitiae ue. Quæ si persequar, an erit aliud, quàm uelle iras hominum in me, ac maleuolentiam prouocare? Itaq; satis nobis esse potest, hæc attigisse, quæ et inquirenda diligentius, et accusanda liberius sacerdotibus relinquimus, qui ea ab consentibus quotidie intellegunt, ac Prædicatoribus, quorum est officium, coram, atq; in templis de ijs liberius disserere, maioreq; cum licentia. Nec tamen hoc in loco fabella nobis deerit, eaq; diuulgatissima, fuisse in parte Italiæ Iannem quendam proauorum nostrorum temporibus, qui inter pastores assiduus, a grestibusq; alios diuersaretur. eum autem consuesse die, cum aut aries feroculus offerretur, aut uitulus, uitabūdū fugitare eum, contremiscereq; ad illius aspectum, atq; hac ratioe ridiculum sese inter pastores facere, noctu uero profundissimos saltus ingredi ausum, atq; ex armentis uegetum quenq; siue bouem, siue taurum apprehensum cornibus, resteq; illigatum secum trahere, iractumq; focis tradere deducendum ad fora, mercatusq; ubi eum uenalem facerent. Iure igitur Vmber meus, mihiq; pncessarius A. COLOTIVS Bassus, uir & doctus, pariter et iucundus, usurpare consuevit, nec Aquinatem Thomam, nec Ioānem Scotum plures reliquisse auditores, doctrinæq; suæ sectatore q̄ Ioānes hic, cui factum sit agnomen à uitellis, imitatores reliquit, ac discipulos.

De Mercatoribus.

Transeamus ad mercatores, quorum non pauci sunt, quos parum iuuat lucrari, nec multum ipsi possint proficere, nisi (ut Cicero ait) admodū mentiantur, quin & mendatio addunt iurandi religionem, nec uerbis solum, uerum etiam scriptis. annotationibusq; dum qui pannus Italicus est, aut Hispanus, Gallicum eum ementiuntur, aut Britannicum, quoties genus panni aliquod maiori est in pretio. Idem in lintheis seruant, ac sericis. Qui equorum, qui mularum mercaturam exercent, compungunt & equos, & mulas eius generis notis, de quo maxima est opinio. Itaq; uix aliquod genus est mercis, in quo non primum sibi locum mendaciu pependerit, potissimaq; apud mercatores laus est, scire et multū, et caute fingere. Quo effectum est, ut fides mercatorum, quæ antea maxime habebatur integra, nunc fluxa sit admodū, ac fragilis. Annibal isidijs maxime, ac fraude grassatus est. Quotusq; est hodie præsertim, dux, imperatorq; exeratus, q non fraude nitatur,